

DATE: 14 Februari 2020

PUBLICATION: Harian Metro

WEBSITE: <https://www.hmetro.com.my/mutahir/2020/02/544609/seronok-berkerja-di-luar-penjara>



UTAMA MUTAKHIR GLOBAL ARENA RAP/RAPXTRA BISNES METROTV ANCAMAN KORONAVIRUS

AKADEMIA #ITMETRO NUANSA SANTAI P&P DEKOTAMAN WM ADDIN RENCANA SIHAT XPRESI VROOM GALERI INFOGRAFIK

Beri peluang banduan bina LRT3

[f Share](#) [Tweet](#)

MyMetro › Mutahir



Pembabitan banduan dalam sektor pembinaan akan mengurangkan masalah terutamanya dalam komunikasi serta masalah sosial.

Norzamira Che Noh
am@hmetro.com.my

SERAMAI 23 banduan yang dirujuk sebagai Orang Diselia (ODS) diberi peluang untuk bekerja di projek pembinaan Depoh Transit Aliran Ringan 3 (LRT3) di Johan Setia menerusi program PEKA@MRCB.

PEKA yang bermakna 'Peluang Kedua Anda' menyediakan peluang pekerjaan bagi pesalah terpilih dan ia adalah sebahagian daripada inisiatif Reben Kuning dengan kerjasama Jabatan Penjara dan Malaysian Resources Corporation Berhad (MRCB).

Naib Presiden Eksekutif MRCB, Datuk Dell Akbar Khan, berkata, pihaknya sentiasa menyokong usaha kerajaan dalam membina kerjaya dalam industri pembinaan dalam kalangan ODS.

"Selain dari membantu mereka dengan kemahiran, penglibatan ODS dalam sektor pembinaan khususnya dapat mengurangkan kebergantungan kita kepada tenaga kerja asing," katanya selepas Majlis Penyerahan Kontrak Kerja kepada ODS oleh Trans Resources Corporation Sdn Bhd (TRC) di Klang, Selangor, tadi.

Turut hadir adalah Pengarah Urusan Kumpulan TRC, Tan Sri Sufri Mohd Zin dan Pengarah Parol dan Perkhidmatan Komuniti Penjara Malaysia, Komisioner Penjara Ibrisam Abdul Rahman.

Sementara itu, Sufri berkata pembabitan ODS dalam sektor pembinaan akan mengurangkan masalah terutamanya dalam komunikasi serta masalah sosial.

"Pekerja warga asing sering kali mengalami kesukaran untuk berkomunikasi kerana perbezaan bahasa selain mereka juga tidak faham adab serta adat seperti orang tempatan."

"Kami juga boleh katakan kerja-kerja yang dilakukan ODS juga lebih kemas dan teliti kerana mereka cepat menyesuaikan diri berbanding pekerja warga asing," katanya.

Mutahir

- Edar 4,000 penutup mulut dan hidung
- Jaringan Ronaldo bantu Juventus seri
- [UPDATE] Empat maut, bukan lima
- 'Kelas yang berbeza'
- Hanya khabar angin
- 6 projek hartanah bercampur
- Apps cipta rekod MBOR
- Baghdad dilitupi salji
- Tercatat 3 peristiwa agung
- Tawar gaji seumur hidup
- Utama 3 ciri kasut sukan
- Misi selamat 'buaya' tayar diteruskan

Sementara itu, menurut Ibrisam, 23 ODS yang terpilih untuk terbabit dalam projek berkenaan adalah yang akan mengakhiri hukuman dalam tempoh 12 bulan dan kini ditempatkan di Penjara Sungai Buloh.

Katanya, pihaknya juga menempatkan tiga warden penjara untuk memantau ODS ketika mereka sedang bekerja.

Difahamkan, ODS yang bekerja diberi gaji bulanan minimum sebanyak RM1,100, peruntukan kerja lebih masa, makanan harian, insurans, perlindungan perubatan dan peralatan perlindungan keselamatan.

■ **Haikal angkat isu sejagat**

■ **Lagi Berita**